



'Tak sangka terima dua anugerah'

DR Ahmad Zubaidi (tujuh dari kanan) bersama pemenang pelbagai anugerah.

Kuala Nerus: Penuntut ijazah sarjana muda Pentadbiran Perniagaan (Pengurusan Risiko dan Takaful) Universiti Sultan Zainal Abidin (UniSZA), Muhammad Nur Syazwan Zainuddin dianugerahkan sebagai Tokoh Siswa UniSZA 2016, di sini, semalam.

Syazwan yang juga Presiden Majlis Perwakilan Pelajar (MPP) UniSZA turut menerima Anugerah Pemimpin Program Kepimpinan Terbaik (Terbuka), sekaligus menerima hadiah wang tunai RM1,500, sijil penghargaan serta trofi.

"Saya tidak menyangka terpilih sebagai penerima bagi kedua-dua anugerah itu. Ia membakar semangat

saya untuk terus berusaha menjadi pemimpin yang lebih baik pada masa akan datang.

"Ia juga hasil dorongan dan sokongan orang sekeliling kepada saya untuk menjalankan tanggungjawab sebagai pemimpin yang terbaik," katanya kepada media selepas majlis Anugerah Kepimpinan Siswa UniSZA itu.

Anugerah berkenaan disampaikan Naib Canselor UniSZA Prof Datuk Dr Ahmad Zubaidi Abdul Latif sambil disaksikan Timbalan Naib Canselor (Hal Ehwal Pelajar dan Alumni) Prof Dr Nik Wan Omar.

Syazwan berkata, anugerah berkenaan melayak-

kannya dicalonkan untuk Anugerah Tokoh Siswa Peringkat Kebangsaan pada tahun hadapan.

Sementara itu, Dr Nik berkata, majlis itu bertujuan untuk menghargai sumbangan kepimpinan pelajar yang cemerlang dalam persatuan dan program universiti.

"Ia sebagai satu penghargaan kepada penuntut kami seterusnya mengiktiraf mereka yang aktif dalam mengerakkan aktiviti persatuan serta kesukarelawanan."

"Paling penting ia menjadi dorongan kepada pelapis baru supaya dapat menjadi penggerak dan pemimpin berkaliber pada masa hadapan," katanya.